

大方廣佛華嚴經疏鈔會本第六十七 前十

唐于闐國三藏沙門實叉難陀譯

唐清涼山大華嚴寺沙門澄觀撰述

爾時善財童子於不動優婆夷所得聞法已專心憶念所有教誨皆悉信受思惟觀察漸

第十一

一

漸遊行經歷國邑至都薩羅城於日沒時入彼城中廬店隣里四衢道側處處尋覓偏行外道

第十偏行外道寄真實行第一依教趣求

十遍行外道寄真實行智度已圓
稱於二諦言行不虛故名真實

城東有山名曰善德善財童子於中夜時見此山頂草樹巖岫光明照耀如日初出見此事已生大歡喜作是念言我必於此見善知識便從城出而登彼山見此外道於其山上平坦之處徐步經行色相圓滿威光照耀大

梵天王所不能及十千梵衆之所圍繞往詣其所頭頂禮足繞無量匝於前合掌而作是言聖者我已先發阿耨多羅三藐三菩提心而我未知菩薩云何學菩薩行云何修菩薩道我聞聖者善能教誨願爲我說

第二城東有山下見敬諮問見中中夜見者智入生死故善財將入此位故上云日沒入城於山頂者表位極故光明照者以智慧光破於生死及二邊闇故

偏行答言善哉善哉善男子我已安住至一

切處菩薩行已成就普觀世間三昧門已成就無依無作神通力已成就普門般若波羅蜜

第三偏行答言下稱讚授法先讚發心後善男子下正授法界於中二先彰名體有

四者智徧知故四義雖別而得相成一化境普周徧行之名亦從此立二入定觀機三由無作神通故能徧至前處四由普門般若故能在定普觀若約別者無作無依用而無住普門般若無法不窮

善男子我普於世間種種方所種種形貌種

種行解種種歿生一切諸趣所謂天趣龍趣夜叉趣乾闥婆阿修羅迦樓羅緊那羅摩睺羅伽地獄畜生閻羅王界人非人等一切諸趣或住諸見或信二乘或復信樂大乘之道如是一切諸衆生中我以種種方便種種智門而爲利益所謂或爲演說一切世間種種技藝令得具足一切巧術陀羅尼智或爲演說四攝方便令得具足一切智道或爲演說諸波羅蜜令其迴向一切智位或爲稱讚大

菩提心令其不失無上道意或爲稱讚諸菩薩行令其滿足淨佛國土度衆生願或爲演說造諸惡行受地獄等種種苦報令於惡業深生厭離或爲演說供養諸佛種諸善根決定獲得一切智慧令其發起歡喜之心或爲

讚說一切如來應正等覺所有功德令樂佛

身求一切智或爲讚說諸佛威德令其願樂佛不壞身或爲讚說佛自在身令求如來無能瞞蔽大威德體又善男子此都薩羅城中一切方所一切族類若男若女諸人衆中我

第十一

三

皆以方便示同其形隨其所應而爲說法諸衆生等悉不能知我是何人從何而至唯令聞者如實修行善男子如於此城利益衆生於閻浮提城邑聚落所有人衆住止之處悉亦如是而爲利益善男子閻浮提內九十六

種各起異見而生執著我悉於中方便調伏令其捨離所有諸見如闍浮提餘四天下亦復如是如四天下三千大千世界亦復如是如三千大千世界如是十方無量世界諸衆生海我悉於中隨諸衆生心之所樂以種種方便種種法門現種種色身以種種言音而爲說法令得利益

二善男子我普於下顯四業用即分爲四

一明至一切處用二或住諸見下普觀世間用觀其所宜隨宜說故三又善男子此都薩羅下明無作無依用故云不知從何而至四善男子聞浮提內下普門般若用九十六種皆能窮故上來隨勝別配實則義通

善男子我唯知此至一切處菩薩行如諸善

薩摩訶薩身與一切衆生數等得與衆生無差別身以變化身普入諸趣於一切處皆現受生普現一切衆生之前清淨光明徧照世間以無礙願住一切劫得如帝網諸無等行常勤利益一切衆生恒與共居而無所著普於三世悉皆平等以無我智周徧照耀以大悲藏一切觀察而我云何能知能說彼功德行

四謙已推勝

善男子於此南方有一國土名爲廣大有樂香長者名優鉢羅華汝詣彼問菩薩云何學菩薩行修菩薩道

時善財童子頂禮其足繞無量帀慇懃瞻仰辭退而去

爾時善財童子因善知識教不顧身命不著

財寶不樂人衆不耽五欲不戀眷屬不重王位唯願化度一切衆生唯願嚴淨諸佛國土唯願供養一切諸佛唯願證知諸法實性唯願修集一切菩薩大功德海唯願修行一切功德終無退轉唯願恒於一切劫中以大願力修菩薩行唯願普入一切諸佛衆會道場唯願入一三昧門普現一切三昧門自在神力唯願於佛一毛孔中見一切佛心無厭足唯願得一切法智慧光明能持一切諸佛法藏專求此等一切諸佛菩薩功德漸次遊行至廣大國

大文第四有十善友寄十迴向今初青蓮華長者寄救護衆生離衆生相迴向在廣大國者創入迴向故迴向衆生故廣迴向菩提故大迴向實際義通廣大言鬻香者

草

五

詣長者所頂禮其足繞無量市合掌而立白言聖者我已先發阿耨多羅三藐三菩提心欲求一切佛平等智慧欲滿一切佛無量大願欲淨一切佛最上色身欲見一切佛清淨法身欲知一切佛廣大智身欲淨治一切菩薩諸行欲照明一切菩薩三昧欲安住一切

鬻者賣也香質雖小發氣彌布善根雖微迴向普周又若賣若買二俱得香自他善根俱可迴向青蓮華者蓮華處淤泥而不染猶護衆生而離相青蓮華爲水中之最救護爲入生死之尊文亦分六第一依教趣求中先依教興願以是迴向大願之首故後漸次下趣求後位初青蓮華長者寄上救護衆生大智無著離衆生相慈悲智慧增住以立此名迴向實際義通廣大者佛境方窮橫周法界衆生界故

菩薩總持欲除滅一切所有障礙欲遊行一切十方世界而未知菩薩云何學菩薩行云何修菩薩道而能出生一切智智

第二詣長者下見敬諮問

長者告言善哉善哉善男子汝乃能發阿耨多羅三藐三菩提心善男子我善別知一切諸香亦知調合一切香法

第三長者告言下稱讚授法先讚後授授中二先總標所得後所謂下別顯業用今初知世諸香以表法香謂以戒定慧慈悲

等香薰修生善滅惡習氣故善知一切香者差別行也亦知調合者融通行也以金剛杵碎之實相般若波羅密調和令純雜無礙悲智圓融成迴向故所謂一切香一切燒香一切塗香一切末香

亦知如是一切香王所出之處又善了知天香龍香夜叉香乾闥婆阿修羅迦樓羅緊那羅摩曠羅伽人非人等所有諸香又善別知治諸病香斷諸惡香生歡喜香增煩惱香滅煩惱香令於有爲生樂著香令於有爲生厭離香捨諸憍逸香發心念佛香證解法門香聖所受用香一切菩薩差別香一切菩薩地位香如是等香形相生起出現成就清淨安隱方便境界威德業用及以根本如是一切我皆了達

二別顯業用中二先總相顯知後指事別顯前中四一知香體異二又善了下約類辨異三又善別下知力用異前二約世此兼出世四如是等下明委窮本末上四各

有事理思之

上四各有事理者如一知香體異約事可知約理者如燒

善男子人間有香名曰象藏因龍鬪生若燒
一丸即起大香雲彌覆王都於七日中雨細
香雨若著身者身則金色若著衣服宮殿樓
閣亦皆金色若因風吹入宮殿中衆生見者

淨善男子雪山有香名阿盧那若有衆生
此香者其心決定離諸染著我爲說法莫不
皆得離垢三昧善男子羅刹界中有香名海
藏其香但爲轉輪王用若燒一丸而以熏之
王及四軍皆騰虛空善男子善法天中有香
王及四軍皆騰虛空善男子善法天中有香

名淨莊嚴若燒一丸而以熏之普使諸天心
念於佛善男子須夜摩天有香名淨藏若燒
一丸而以熏之夜摩天衆莫不雲集彼天王
所而共聽法善男子兜率天中有香名先陀
婆於一生所繫菩薩座前燒其一丸興大香

雲偏覆法界普雨一切諸供養具供養一切
諸佛菩薩善男子善變化天有香名曰奪意
若燒一丸於七日中普雨一切諸莊嚴具
二人間有下指事別顯中有十種香初象
藏香具前本末十事一但語香名必有形
相二龍鬚爲生起三興雲爲出現四雨兩
爲成就五金色爲清淨六喜樂爲安隱七
無病等爲方便八慈心等爲境界九意淨
爲威德其業用一種義通前七十我知下
是根本本爲菩提心故若就菩提心顯十

義者以菩提心香似如來藏因善惡相攻而生若一發心興慈雲注法雨心所及者令歸真淨得法喜樂離惑業苦展轉興慈志願純淨餘之九香皆應具法喻之十畧故或二或三摩羅耶者國名國多此香故此即忍香瞋火不燒三即進香魔軍退散次五如次是五分法身香九即稱法界香先陀婆一名四實此宣用鹽香似此故十忘能所香故名奪意餘三可知若就菩提心下二約法似如來藏本覺真心性德圓備稱理發心故似藏也二因善惡相攻而生即同因龍鬚生故六波羅密經云善惡互相薰猶如二象鬪弱者去無迴妄盡無來去起信真如熏無明故能發心眾求三若一起信心下出現四重法雨是成就五心所及下清淨六得法喜樂即安隱七離惑業苦即下方便八晨轉興慈即境界九志願純淨即威德亦業用義通前七次五如次五分法欲證空者戒定可知三王及四兵皆騰空者慧身者欲故四心念於佛脫五集觀法是知見故

善男子我唯知此調和香法如諸菩薩摩訶
薩遠離一切諸惡習氣不染世欲永斷煩惱
衆魔^皆索超諸有趣以智慧香而自莊嚴於
諸世間皆無染著具足成就無所著戒淨無
著智行無著境於一切處悉無有著其心平
其離染身語意行

善男子於此南方有一大城名曰樓閣中有
船師名婆施羅汝詣彼問菩薩云何學菩薩
行修菩薩道

時善財童子頂禮其足繞無量帀慇懃瞻仰

辭退而去

爾時善財童子向樓閣城觀察道路所謂觀
道高卑觀道夷險觀道淨穢觀道曲直

第二船師婆施羅寄不壞^{壞信于種善根而}迴向故名為不壞^{者得不}婆施羅者此云自在謂
於佛法海已善通達於生死海能善運度
於一切法深信不壞故名自在在樓閣城
者由此迴向令菩提心轉更增長悲智相
依而勝出故文中第一依教趣求先依教
觀道於迴向道初得不壞故佛道為高餘
皆是卑生死涅槃為夷險障無障為淨穢
二乘為曲菩薩為直等^{佛道為高下此有}
示其相而示言等者等於餘義具說觀相
乃有多意一不壞相則五是可依五不可
依二不壞性則不見高卑無夷險等是
法者故云不見一法是佛法者不見一法非
一則一難乘生惱斷則不見高卑無夷險等是
為所者故金剛云是法平等無有高下住
一契中上三即三觀意四以無為真得不高
無為非我我所故三性之及相雙俱以正佛
得高不乘為非以正佛

而慕方便一時具觀
一具一切方真觀矣

漸次遊行作是思惟我當親近彼善知識善

知識者是成就修行諸菩薩道因是成就修行波羅蜜道因是成就修行攝衆生道因是成就修行普入法界無障礙道因是成就修

第十一

+

行令一切衆生除惡慧道因是成就修行令

一切衆生離憍慢道因是成就修行令一切

衆生滅煩惱道因是成就修行令一切衆生

捨諸見道因是成就修行令一切衆生拔一

切惡刺道因是成就修行令一切衆生至一

切智城道因何以故於善知識處得一切善
法故依善知識力得一切智道故善知識者
難見難遇如是思惟漸次遊行

後漸次下趣求後位而興勝念謂菩薩道

因人得故即於菩薩法師得不壞信於中

先正明後徵釋可知

第十一

士

既至彼城見其船師在城門外海岸上住百
千商人及餘無量大眾圍繞說大海法方便
開示佛功德海善財見已往詣其所頂禮其
足繞無量匝於前合掌而作是言聖者我已
先發阿耨多羅三藐三菩提心而未知菩薩
云何學菩薩行云何修菩薩道我聞聖者善
能教誨願爲我說

第二既至彼下見敬諮問見在海岸者若
佛法海以生死爲此岸不捨生死故若生

死海以大悲修因而爲此岸住大慈悲令
離因故若佛法海者準下推勝乃有
多海畧舉其二餘例可知

船師告言善哉善哉善男子汝已能發阿耨
多羅三藐三菩提心今復能問生大智因斷
除一切生死苦因往一切智大寶洲因成就

不壞摩訶衍因遠離二乘怖畏生死住諸寂
靜三昧旋因乘大願車徧一切處行菩薩行
無有障礙清淨道因以菩薩行莊嚴一切無
能壞智清淨道因普觀一切十方諸法皆無
障礙清淨道因速能趣入一切智海清淨道
因

第三船師告言下稱讚授法分二先讚問
讚其發心後能問法文有九句前五能問
果因後四能問因因故云道因三昧旋者
旋謂深渡沉而不流二乘沉寂動八萬劫
故能遠離是菩薩道

善男子我在此城海岸路中淨修菩薩大悲
幢行

二善男子我在此下授已法界中二先標
名體謂大悲超出爲物所歸故

善男子我觀闍浮提內貧窮衆生爲饒益故
修諸苦行隨其所願悉令滿足先以世物充
滿其意復施法財令其歡喜令修福行令生
智道令增善根力令起菩提心令淨菩提願
令堅大悲力令修能滅生死道令生不厭生
死行令攝一切衆生海令修一切功德海令
照一切諸法海令見一切諸佛海令入一切
智智海善男子我住於此如是思惟如是作
意如是利益一切衆生

後善男子我觀闍浮下辨其業用中二先

明於陸化生令知有海

善男子我知海中一切寶洲一切寶處一切
寶類一切寶種我知淨一切寶鑽一切寶出
一切寶作一切寶我知一切寶器一切寶用
一切寶境界一切寶光明

後善男子我知海中下善知海相於海化
生於中二初明善知後彰化成益今初此
寶洲等生死法海義皆有之且約生死海
釋文中略舉知五種事一知寶寶即是智
故不入生死大海則不能生一切智寶於

華

三

中有十二句一生死海中湛寂不動謂之

寶洲二空不空如來藏爲寶處三恒沙功德皆寶類四佛性爲寶種此上皆約本有次四約修成以淨戒頭陀等爲能淨以緣起智爲能鑽以發一切智心爲出因聽聞爲能作後四爲實用謂三乘等器智慧有殊照理斷惑所用各別所緣境界萬品皆差破愚顯明各各不等

我知一切龍宮處一切夜叉宮處一切部多宮處皆善迴避免其諸難

二我知一切龍下即生死中瞋貪癡之三
毒部多此云自生亦如夜叉但不從父母
生故喻多癡

亦善別知漩渦淺深波濤遠近水色好惡種
種不同

三亦善別知漩渦不即知心識相色無色

等依識心定劫數淺深七識波浪染習遠
近隨善惡緣心水色異

色無色等者沈空
滯寂即漩渦義無深
色初二萬後後二二增非想八萬劫為深
二萬即為淺色無晝夜殊劫數等身量則
初最淺上上漸深未有無相
皆識心走故為心識相也

亦善別知日月星宿運行度數晝夜晨晡晷
漏延促

四亦善別知日月等者即能知時謂機之
生熟如是時中宜修定慧等

亦知其船鐵木堅脆機闢漩渦水之大小風

之逆順如是一切安危之相無不明了可行則行可止則止

五亦知其船即知萬行不同有方便爲堅無方便爲脆曾修爲滑不曾則澀水之大小者謂生死有邊與無邊風之逆順者八

風四順四逆又謂修行有住與無住故若開第三第五各有三事則并總具十有方
便為上
者堅等七地已說又謂修行有住無住約外境世之八風此約正修無住爲順出離有住爲逆又有住則順生死無住反此若開第三第五各三者三中三者一漢渡一漢深二波濤遠近三水色好惡五中三者一大利一知其船鐵木堅匏機闢澁滑二水之大

小三風之逆順此二各三為九如是已下總結為十可行則行可止則止雖是總結義當一故善男子我以成就如是智慧常能利益一切衆生善男子我以好船運諸商衆行安隱道復爲說法令其歡喜引至寶洲與諸珍寶咸

使充足然後將領還闡浮提善男子我將大船如是往來未始令其一有損壞若有衆生得見我身聞我法者令其永不怖生死海必得入於一切智海必能消竭諸愛欲海能以智光照三世海能盡一切衆生苦海能淨一切衆生心海速能嚴淨一切刹海普能往詣十方大海普知一切衆生根海普了一切衆生行海普順一切衆生心海

一善男子我以成就下彰化成益既列十海則知前海準此應思前四自利後六利

他後三文顯

善男子我唯得此大悲幢行若有見我及以聞我與我同住憶念我者皆悉不空如諸菩薩摩訶薩善能遊涉生死大海不染一切諸煩惱海能捨一切諸妄見海能觀一切諸法

性海能以四攝攝衆生海已善安住一切智海能滅一切衆生著海能平等住一切時海能以神通度衆生海能以其時調衆生海而我云何能知能說彼功德行

善男子於此南方有城名可樂中有長者名

無上勝汝請彼問菩薩云何學菩薩行修菩薩道時善財童子頂禮其足繞無量帀慇懃瞻仰悲泣流淚求善知識心無厭足辭退而去

爾時善財童子起大慈周福心大悲潤澤心

相續不斷福德智慧二種莊嚴捨離一切煩惱塵垢證法平等心無高下拔不善刺滅一切障堅固精進以爲牆塹甚深三昧而作園苑以慧日光破無明闇以方便風開智慧華以無礙願充滿法界心常現入一切智城如

是而求菩薩之道漸次經歷到彼城內

第三無上勝長者寄等一切佛迴向以得勝通無過上故等於諸佛更無勝故在可

樂國者由等佛迴向不見美惡皆得清淨

歡喜悅樂故文中第一可知

寄等一切佛迴向者謂等同三世一切如來能迴向道所迴向善故以得勝通下釋名此約得法釋等於下約寄位釋由等諸佛不見羨惡者經云如是修學迴向道時見一切色乃至觸法若羨若惡不生愛憎心得自在無諸過失廣大清淨歡喜悅樂雜諸憂惱身心柔軟諸根是也

見無上勝在其城東大莊嚴幢無憂林中無

量商人百千居士之所圍繞理斷人間種種事務因爲說法令其永拔一切我慢離我我所捨所積聚滅慳嫉心得清淨無諸穢濁獲淨信力常樂見佛受持佛法生菩薩力起菩薩行入菩薩三昧得菩薩智慧住菩薩正

念增菩薩樂欲爾時善財童子觀彼長者爲衆說法已以身投地頂禮其足良久乃起白言聖者我是善財我是善財我專尋求菩薩之行菩薩云何學菩薩行菩薩云何修菩薩道隨修學時常能化度一切衆生常能現見一切諸佛常得聽聞一切佛法常能住持前四十一一切佛法常能趣入一切法門入一切刹學菩薩行住一切劫修菩薩道能知一切如來神力能受一切如來護念能得一切如來智慧

第二見無上勝下見敬詰問初見在城東

者啓明佛曰故處無憂林者同佛廻向無愛憎故商人等圍繞者佛爲商主菩薩爲商人法財外益功歸已故次爾時善財下設敬後白言下詰問稱名者聲名久聞表重法之器真有聞故

時彼長者告善財言善哉善哉善男子汝已能發阿耨多羅三藐三菩提心善男子我成就至一切處菩薩行門無依無作神通之力

第三時彼長者下稱讚授法授法中先標名體由無作無依故能偏至偏至是用廣

無依是體勝無依者不依他故無作者離

加行故

善男子云何爲至一切處菩薩行門善男子我於此三千大千世界欲界一切諸衆生中所謂一切三十三天一切須夜摩天一切兜

率陀天一切善變化天一切他化自在天一切摩天及餘一切天龍夜叉羅刹婆鵼槃茶乾闥婆阿修羅迦樓羅緊那羅摩睺羅伽人與非人村營城邑一切住處諸衆生中而爲說法令捨非法令息諍論令除鬪戰令止忿

競令破寃結令解繫縛令出牢獄令免怖畏
令斷殺生乃至邪見一切惡業不可作事皆
令禁止令其順行一切善法令其修學一切
技藝於諸世間而作利益爲其分別種種諸
論令生歡喜令漸成熟隨順外道爲說勝智

令斷諸見令入佛法乃至色界一切梵天我
亦爲其說超勝法如於此三千大千世界乃
至十方十不可說百千億那由他佛刹微塵
數世界中我皆爲說佛法菩薩法聲聞法獨
覺法訴地獄說地獄衆生說向地獄道說畜
生說畜生差別說畜生受苦說向畜生道說
閻羅王世間說閻羅王世間苦說向閻羅王
世間道說天世間說天世間樂說向天世間
道說人世間說人世間苦樂說向人世間道
爲欲開顯菩薩功德爲今捨離生死過患爲

令知見一切智人諸妙功德爲欲令知諸有
趣中迷惑受苦爲令知見無障礙法爲欲顯
示一切世間生起所因爲欲顯示一切世間
寂滅爲樂爲令衆生捨諸想著爲令證得佛
無依法爲令永滅諸煩惱輪爲令能轉如來
法輪我爲衆生說如是法

二善男子云何下徵釋業用釋中明至一
切處廣說法故文中先舉三千後如於此
三千下類顯十方

善男子我唯知此至一切處修菩薩行清淨
法門無依無作神通之力如諸菩薩摩訶薩
具足一切自在神通悉能徧往一切佛刹得
普眼地悉聞一切音聲言說普入諸法智慧
自在無有乖諍勇健無比以廣長舌出平等
音其身妙好同諸菩薩與諸如來究竟無二

無有差別智身廣大普入三世境界無際同
於虛空而我云何能知能說彼功德行

第四譁已推勝中加清淨法門者偏至本
爲說法故即前所說後二可知

善男子於此南方有一國土名曰輸那其國
有城名迦陵迦林有比丘尼名師子頗申汝

事諸彼問菩薩云何學菩薩行修菩薩道

時善財童子頂禮其足繞無量帀慇懃瞻仰
辭退而去

爾時善財童子漸次遊行至彼國城周偏推

求此比丘尼有無量人咸告之言善男子此
比丘尼在勝光王之所捨施日光園中說法
利益無量衆生

第四至一切處迴向善友名師子頗申者
舒展自在無不至故比丘尼者純淨之慈

合善偏故國名輸那者此云勇猛勇猛之
力能使善根無不至故又以十度明義義
當進故城名迦陵迦林者以義翻爲相關
戰時謂因鬪勝而立城故表此迴向願以
信解大威力故廣大智慧無障礙故令修
善根無所不至義同戰時第四至一切處
願力令其善根所成供等遍一切故文中第一依教趣求言
勝光王捨施日光園者準律尼之頭陀多
在王國藉外護故表因實際勝光令其善
根偏法界之園苑故並皆即智故有光名
時善財童子即詣彼園周偏觀察見其園中
有一大樹名爲滿月形如樓閣放大光明照
一由旬見一葉樹名爲普覆其形如蓋放毘
璫紺青光明見一華樹名曰華藏其形高
大如雪山王爾衆妙華無有窮盡如忉利天

中波利質多羅樹復見有一甘露果樹形如金山常放光明種種衆果悉皆具足復見有

一摩尼寶樹名毘盧遮那藏其形無比心王摩尼寶最在其上阿僧祇色相摩尼寶周徧莊嚴復有衣樹名爲清淨種種色衣垂布嚴

摹子

子

飾復有音樂樹名爲歡喜其音美妙過諸天樂復有香樹名普莊嚴恒出妙香普熏十方無所障礙

第二時善財童子即詣下見敬誥問中三先見次敬後問前中二初見依後見正今

初有六一無漏林樹無漏法行而建立故文中
圓苑無漏法林品偈云總持之多是淨名佛道樹覺意淨妙華解脫智慧果

園中復有泉流陂池一切皆以七寶莊嚴黑

栴檀泥凝積其中上妙金沙彌布其底八功

德水具足盈滿優鉢羅華波頑摩華拘物頭華芬陀利華徧覆其上

二園中復有下明八解泉流八功德者謂

輕冷濡美淨而不臭調適無患

八解之浴池定水湛

然滿布以七淨華谷此無垢人等

無量寶樹周徧行列諸寶樹下敷師子座種種妙寶以爲莊嚴布以天衣薰諸妙香垂諸寶繒施諸寶帳闇浮金網彌覆其上寶鐸徐搖出妙音聲或有樹下敷蓮華藏師子之座或有樹下敷香王摩尼藏師子之座或有樹下敷龍莊嚴摩尼王藏師子之座或有樹下敷寶師子聚摩尼王藏師子之座或有樹下敷毘盧遮那摩尼王藏師子之座或有樹下敷毘盧遮那摩尼王藏師子之座其一敷十方毘盧遮那摩尼王藏師子之座其一座各有十萬寶師子座周市圍繞一一皆

具無量莊嚴

三無量寶樹下敷法空座而隨法嚴異於
中有標列及結可知

此大園中衆寶徧滿猶如大海寶洲之上迦
隣陀衣以布其地柔軟妙好能生樂觸距則

沒足舉則還復無量諸鳥出和雅音寶栴檀
林上妙莊嚴種種妙華常雨無盡猶如帝釋
雜華之園無比香王普薰一切猶如帝釋善
法之堂諸音樂樹寶多羅樹衆寶鈴網出妙
音聲如自在天善口天女所出歌音諸如意
樹種種妙衣垂布莊嚴猶如大海有無量色
百千樓閣衆寶莊嚴如忉利天宮善見大城
寶蓋遐張如須彌峯光明普照如梵王宮
因此大園下雜明諸嚴萬行非一故

爾時善財童子見此大園無量功德種種莊

嚴皆是菩薩業報成就出世善根之所生起
供養諸佛功德所流一切世間無與等者如
是皆從師子頃申比丘尼了法如幻集廣大
清淨福德善業之所成就

五爾時善財下出其所因

三千大千世界天龍八部無量衆生皆入此
園而不迫窄何以故此比丘尼不可思議威
神力故

六三千下明果用自在

爾時善財見師子頃申比丘尼徧座一切諸
寶樹下大師子座身相端嚴威儀寂靜諸根
調順如大象王心無垢濁如清淨池普濟所
求如意寶不染世法猶如蓮華心無所畏
如師子王護持淨戒不可傾動如須彌山能
令見者心得清涼如妙香王能除衆生諸煩

惱熱如雪山中妙栴檀香衆生見者諸苦消滅如善見藥王見者不空如婆樓那天能長一切衆善根芽如良沃田在一座衆會不同所說法門亦各差別

二爾時善財見師子下明見正報中四初

第十一

主

總明偏坐勝德顯彰二別明所偏演法各

異三總結多類聞法發心四通顯所因釋

成自在今初婆樓那者此云水也此天能

滿人願故昔云水天者總持教中有此天也

或見處座淨居天衆所共圍繞大自在天子

而爲上首此比丘尼爲說法門名無盡解脫

或見處座諸梵天衆所共圍繞愛樂梵王而

爲上首此比丘尼爲說法門名普門差別清

淨言音輪或見處座他化自在天天子天女

所共圍繞自在天王而爲上首此比丘尼爲

說法門名菩薩清淨心或見處座善變化天子天女所共圍繞善化天王而爲上首此比丘尼爲說法門名一切法善莊嚴或見處座兜率陀天天子天女所共圍繞兜率天王而爲上首此比丘尼爲說法門名心藏旋或見處座須夜摩天天子天女所共圍繞夜摩天王而爲上首此比丘尼爲說法門名無邊莊嚴或見處座三十三天天子天女所共圍繞釋提桓因而爲上首此比丘尼爲說法門名厭離門或見處座百光明龍王難陀龍王優波難陀龍王摩那斯龍王伊羅跋難陀龍王阿那婆達多龍王等龍子龍女所共圍繞娑伽羅龍王而爲上首此比丘尼爲說法門名佛神通境界光明莊嚴或見處座諸夜叉衆所共圍繞毘沙門天王而爲上首此比丘

名發生悲愍心

尼爲說法門名救護衆生藏或見處座乾闥婆衆所共圍繞持國乾闥婆王而爲上首此比丘尼爲說法門名無盡喜或見處座阿修羅衆所共圍繞羅睺阿修羅王而爲上首此比丘尼爲說法門名速疾莊嚴法界智門或見處座迦樓羅衆所共圍繞捷持迦樓羅王而爲上首此比丘尼爲說法門名怖動諸有海或見處座緊那羅衆所共圍繞大樹緊那羅王而爲上首此比丘尼爲說法門名佛行光明或見處座摩睺羅伽衆所共圍繞菴羅林摩睺羅伽王而爲上首此比丘尼爲說法門名生佛歡喜心或見處座無量百千男子女人所共圍繞此比丘尼爲說法門名殊勝行或見處座諸羅刹衆所共圍繞常奪精氣大樹羅刹王而爲上首此比丘尼爲說法門

二或見處座下別明所徧中有三十處分三初十六爲八部人非人等次二爲二乘後十二爲菩薩今初中先有七處爲天一爲淨居天說無盡者治彼那含求盡身智故三梵王普應但於已衆廣及二千爲說普門則無不應梵音清妙但是世間爲說法界勝流方爲淨妙三他化天令得出世淨心超世自在故四化樂樂具莊嚴不及善故五旋歸如來藏心則真喜足故六徧嚴法界方盡時分之樂七釋天耽欲甚故次八爲龍龍能通變耀電降莊嚴故九夜叉性好飛空害物故十乾闥婆衆能奏樂喜樂故上三亦四王衆意存八部故闕南西十一修羅善幻爲莊嚴故十二迦樓羅

動海怖龍故十三緊那羅是歌神以佛行光明破其著故又頭有一角亦云疑神令同佛覺離疑光明故十四摩睺羅伽多瞋毒故上來八部除第一第七及夜叉衆摩睺羅伽約對治說餘皆約隨便宜隨其世能轉入出世故緊那羅衆通其二義第十五一座爲人人多行不善行設行仁義亦非勝故故令起出世勝行十六一座爲羅刹則是非人亦治多殘害故

或見處座信樂聲聞乘衆生所共圍繞此比

丘尼爲說法門名勝智光明或見處座信樂緣覺乘衆生所共圍繞此比丘尼爲說法門名佛功德廣大光明

次二爲二乘者聲聞智劣故緣覺修福止百劫故緣起智光未能亡緣故

或見處座信樂大乘衆生所共圍繞此比丘尼爲說法門名普門三昧智光明門或見處座初發心諸菩薩所共圍繞此比丘尼爲說法門名一切佛願聚或見處座第二地諸菩薩所共圍繞此比丘尼爲說法門名離垢輪或見處座第三地諸菩薩所共圍繞此比丘尼爲說法門名寂靜莊嚴或見處座第四地諸菩薩所共圍繞此比丘尼爲說法門名生一切智境界或見處座第五地諸菩薩所共圍繞此比丘尼爲說法門名妙華藏或見處座第六地諸菩薩所共圍繞此比丘尼爲說法門名毘盧遮那藏或見處座第七地諸菩薩所共圍繞此比丘尼爲說法門名普莊嚴地或見處座第八地諸菩薩所共圍繞此比丘尼爲說法門名偏法界境界身或見處座

第九地諸菩薩所共圍繞此比丘尼爲說法門名無所得力莊嚴或見處座第十地諸菩

薩所共圍繞此比丘尼爲說法門名無礙輪或見處座執金剛神所共圍繞此比丘尼爲說法門名金剛智那羅延莊嚴

後十二爲菩薩分三初一爲地前說定慧之光次十爲地上初發心者證發心也發

十大願故五地妙華藏者華謂十種平等淨心故晉經云淨心華藏華藏者以真俗雙修於難得勝爲因含藏故餘八可知後

一義當等覺說金剛喻定壞散塵習故既爲等覺而說明此位非小言迴向者約寄位耳他皆倣此證發心者疏中隨難但釋二句今當眾釋二地三聚圓滿故三地修八擇故四地待無行無生行慧光故五地如疏六地般若現前遍照普得故七地有中殊勝行修習一切菩提分故名普莊嚴八地得無生忍於三世間

悉自在得悉如空念念入法流故九地以無所得而爲方便力度偏增吳是辨才已攝十度已滿三祇已圓故

善財童子見如是等一切諸趣所有衆生已成熟者已調伏者堪爲法器皆入此園各於座下圍繞而坐師子頻申比丘尼隨其欲解勝劣差別而爲說法令於阿耨多羅三藐三菩提得不退轉

第三善財童子見如是下總結多類聞法發心可知

何以故此比丘尼入普眼捨得般若波羅蜜

門說一切佛法般若波羅蜜門法界差別般若波羅蜜門散壞一切障礙輪般若波羅蜜門生一切衆生善心般若波羅蜜門殊勝莊嚴般若波羅蜜門無礙真實藏般若波羅蜜門法界圓滿般若波羅蜜門心藏般若波羅

蜜門普出生藏般若波羅蜜門此十般若波

羅蜜門爲首入如是等無數百萬般若波羅蜜門此日光園中所有菩薩及諸衆生皆是師子曇申比丘尼初勸發心受持正法思惟修習於阿耨多羅三藐三菩提得不退轉

第四何以故下總顯所因釋成自在有二一由能化具般若故二此日光下由彼所

化根已熟故

時善財童子見師子曇申比丘尼如是園林如是牀座如是經行如是衆會如是神力如是辯才復聞不可思議法門廣大法雲潤澤其心便生是念我當右繞無量百千匝時比丘尼放大光明普照其園衆會莊嚴善財童子即自見身及園林中所有衆樹皆悉右繞此比丘尼經於無量百千萬匝圍繞畢已善

財童子合掌而住

二時善財童子下設敬於中三初觀勝發心次放光攝受後正申敬儀

白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說

三白言下問法

比丘尼言善男子我得解脫名成就一切智善財言聖者何故名爲成就一切智比丘尼言善男子此智光明於一念中普照三世一切諸法善財白言聖者此智光明境界云何

第三比丘尼言下授已法界中三初標名一切智者同佛智故二善財言下徵釋其體一念普照故三善財白言下辨其業用先問後答

比丘尼言善男子我入此智光明門得出生一切法三昧王以此三昧故得意生身徃十方一切世界兜率天宮一生所繫菩薩所一菩薩前現不可說佛刹微塵數身一身作不可說佛刹微塵數供養所謂現天王身

乃至人王身執持華雲執持鬢雲燒香塗香

及以末香衣服瓔珞幢旛繒蓋寶網寶帳寶藏寶燈如是一切諸莊嚴具我皆執持而以供養如於住兜率宮菩薩所如是於住胎出胎在家出家徃詣道場成等正覺轉正法輪人於涅槃如是中間或住天宮或住龍宮乃至或復住於人宮於彼一一諸如來所我皆如是而爲供養若有衆生知我如是供養佛者皆於阿耨多羅三藐三菩提得不退轉若有衆生來至我所我即爲說般若波羅蜜善

男子我見一切衆生不分別衆生相智眼明見故聽一切語言不分別語言相心無所著故見一切如來不分別如來相了達法身故住持一切法輪不分別法輪相悟法自性故一念徧知一切法不分別諸法相知法如幻故

答

中二先明通用後明智用前中亦一先

辨用所依謂由一切智能入王三昧故王三昧者智論第七云一切三昧皆入中故體即如如如體本寂真智契此故名三昧

以一切智言有其二義一徧知三世一切事故二對於種智名根本智知一切事皆一實故以即權之實智契即事之實理故一切三昧皆入其中又由王三昧體無不徧故意生身隨類能成二徃十方下辨能

依業用可知二善男子我見下明其智用
又前即差別智用今即無分別智用故觸
境無取智論第七一切三昧皆入中者論
有喻云譬如大海謂若百川歸大海故又有人言王三昧者在第四禪故有
人云佛三昧誰能知相無量無數不可知唯佛能知佛神足持戒尚不了知况復一切三昧釋曰此但次

勝耳

善男子我唯知此成就一切智解脫如諸菩薩摩訶薩心無分別普知諸法一身端坐充滿法界於自身中現一切刹一念悉詣一切佛所於自身內普現一切諸佛神力一毛徧舉不可言說諸佛世界於其自身一毛孔中現不可說世界成壞於一念中入不可說不可說一切諸劫而我云何能知能說彼功德行善男子於此南方有一國土名曰險難此國

有城名寶莊嚴中有女人名婆須蜜多汝詣彼問菩薩云何學菩薩行修菩薩道

時善財童子頂禮其足繞無數匝慇懃瞻仰辭退而去

大方廣佛華嚴經疏鈔會本第六十七

音釋

塵直連切獻魚臺切也
市居也嶠山峯也鬻賣也切般許救切
也胃索胃古法切網也鑽作官切穿也
切影也脆易斷也此箇切物澁所立切
依據切瀉房六切鄴呈延切市羣駢也
漿滓也瀉澁也鄴物邸舍也革切迷溼
失入切與濕同麌神喪切歌名
韁乳充切韁乘也